

**TEZAUUR LITURGIC**  
**28 OCTOMBRIE**

**ACATISTUL**  
**SF. CUVIOS**  
**IOV**  
**DE LA**  
**POCEAEV**



**MOSCOVA, 2000**



# **Акафист**

## **святому преподобному Иову, игумену Почаевскому, чудотворцу**

---

### **Кондак 1**

Избранный от Господа, благий рабе и верный, угодниче Христов, преподобне отче наш Иове, твоим заступлением и предстательством ограждаеми, похвальная восписуем ти, поведающе благия подвиги и чудеса твоя, и благодарственная возсылаем моления прославленному ты Господу и Царю славы. Ты же, яко имеяй дерзновение ко Господу и Пречистой Его Матери, Приснодеве Богородице, от всяких нас бед свободи, зовущих ти:

Радуйся, Иове, преславный угодниче Божий, и обители Почаевския украшение.

### **Икос 1**

Ангела земнаго нравом и человека небеснаго житием содела ты Владыка ангелов и всея

видимыя и невидимыя твари; темже прославив  
тя, яко сообразна являшася предведению Его,  
благоволил естъ и нам явити славное житие и  
пренебесное прославление твоё, да воспеваем ти  
сице:

Радуйся, от утробы матерния избранный на  
подвиг служения Царю Небесному;

Радуйся, именем Иоанна, благодати  
тезоименитаго, имже по рождении наречён был  
еси, яко печатю благодати запечатлённый.

Радуйся, яко приял еси имя Крестителя  
Господня, емуже пустыннолюбным житием  
дobre поревновал еси;

Радуйся, яко измлада услышал еси  
внутренний глас призвавшаго тя Господа.

Радуйся, яко десятилетен сый, сему гласу  
охотно последуя, уклонился еси от очию  
любимых ти родителей и во обители Угорницкой  
вселился еси;

Радуйся, Йове, преславный угодниче Божий,  
и обители Почаевския украшение.

## **Кондак 2**

Видяще иноцы Угорницкии добродетельное  
житие твоё и благия нравы, угодниче Божий, по

двою́ лѣтехъ крѣткаго и трудолю́бнаго послушанія твоего́ во обители своѣй, возложи́ша на тя́ а́нгельский чин, и, я́коже предобразу́я многотру́дныя по́двиги твоя́, я́же Христа́ ра́ди подъя́ти имѣл еси́, Йо́вом тя́ нареко́ша, воспева́я Бо́гу: Аллилу́ия.

## И́кос 2

Ра́зум свы́ше лѣт подава́я тебе́, Бо́г ра́зумов умудри́ тя́ в ве́дении сихъ, я́же ко спасе́нию, я́ко преуспева́ти тебе́ в пу́ти Господни и благопоспешити па́че всѣхъ, су́щих во обители. Те́мже и на стѣпень священства, а́ще и по мно́зем отрицáнии твоём, а́бие во уречѣнный вѣ́зраст подве́ден бы́л еси́. Сихъ ра́ди приими́ от насъ хвале́бная пѣ́ния сия́:

Ра́дуйся, свѣ́том ра́зума Божѣ́ственнаго от ю́ности твоея́ осия́нный;

Ра́дуйся, во свѣ́те лица́ Бо́жия тму́ неве́дения и плотскихъ мудрова́ний во всѣ́м жити́и твоём от себе́ отгна́вый.

Ра́дуйся, розго́ плодоно́сная, де́лы богоуго́дными приви́тая к и́стинной лѣ́торасли вертогра́да Господня́;

Ра́дуйся, кри́не, прозя́бший благоче́стие от росы́ Ду́ха Свята́го.

Ра́дуйся, клáсе, плóд духóвной вéры, надéжды и любвé божéственныя сторíцею принéсший;

Ра́дуйся, Йо́ве, преслáвный уго́днице Бо́жий, и обíтели Почáевския украшéние.

### **Конда́к 3**

Си́ла Вы́шняго, ё́уже облечён бы́л еси́ во уго́дное благодáти Божéственныя ору́дие, толи́кий пла́мень рéвности Бо́жия возжé в сёрдце твоём, я́ко неусы́пнаго ра́ди хвалéния Го́спода и вели́кий а́нгельский о́браз по рукоположéни вскóре восприя́ти изво́лил еси́, и́менем Иоáнна во схимона́сех па́ки наречéнный, я́ко испо́ль сугубы́я благодáти Бо́жия и навы́кнувый пéти непреста́нно серафíмскую пéснь: Аллилу́ия.

### **И́кос 3**

Иму́щи дарова́ния много́различная от Го́спода, войи́стину не возмо́гл еси́ утай́тися от современ́ник твои́х, от ни́хже мно́зи нача́ша приходи́ти к тебе́ по́льзы ра́ди душе́вныя; благочестíвый же Остро́жский князь Константи́н испроси́ тя́ во обíтель свою́ Крéстную на о́строве Дубенстем, иде́же и во игу́мена вскóре поста́влен бы́л еси́, науча́я все́х зва́ти тебе́:

Ра́дуйся, вме́стѣлице́ все́х сокро́вищ  
Госпо́дних;

Ра́дуйся, разда́телю ко́емуждо́ на по́льзу  
даро́в духо́вных, я́же прия́л еси́ от Го́спода.

Ра́дуйся, я́ко ревну́я по правосла́вию, во  
оби́тели Ду́бенстей пи́санием кни́г  
боже́ственных протѣ́ву у́нии, тогда́ пе́рвее  
явѣ́вшейся, богому́дренно упражня́лся еси́;

Ра́дуйся, я́ко сего́ ра́ди и бра́тию свою́ на  
по́двиг распро́странѣ́ния правосла́вных кни́г  
богому́дренно подвиза́л еси́.

Ра́дуйся, я́ко благосло́вѣ́ннѣю твоему́́ и  
внуше́ннѣю, е́же от Ду́ха Свята́го, послѣ́дуя,  
Остро́жский кня́зь первопеча́тную сло́венскую  
Би́блию во утеше́ние ве́рных тисне́ннѣю предаде́;

Ра́дуйся, Йо́ве, пресла́внѣ́й угодни́че Бо́жий,  
и оби́тели Поча́евския украше́ние.

#### **Конда́к 4**

Вре́менныя че́сти, е́юже стужа́ху ти́ мно́зи от  
правосла́вных, ку́пно же и озлобле́ний  
многору́зличных за лю́бовь к Правосла́вию от  
клеврѣ́тов у́нии хотя́ изба́виться, умы́слил еси́  
избе́гнути от нача́льства, е́же вя́щши два́дцати  
ле́т имѣ́л еси́ на о́строве Ду́бенстем. Сего́ ра́ди

та́й оста́вил еси́ оби́тель свою́ Крѣстную́, и, во  
э́же сокрѣ́тися от трево́лнѣний ми́ра сегó  
мномяте́жнаго, во о́бразе проста́го и́нока  
прите́кл еси́ на го́ру Поча́евскую, издрѣ́вле  
свѣтлостію́ чудѣс премно́гих сия́ющую, зовѣ́й  
Бо́гу: Аллилу́ия.

#### **И́кос 4**

Услѣ́шаша и уразумѣ́ша се́рдцем и душе́ю  
и́ноцы Поча́евстии преизбы́точествующий в тебѣ́  
источникъ благодати́ Бо́жия, о́тче нашъ И́ове, я́ко  
сицева́го ты́ наста́вника зело́ подви́жна и  
иску́сна благоволи́ имѣти Пресвята́я Богоро́дица  
во Сво́ей, небеси́ подо́блящейся, оби́тели; те́мже  
о́бщим молѣ́нием со слеза́ми а́бие во игу́мена  
себе́ поста́виша ты́, взыва́я тебѣ́:

Ра́дуйся, гра́де, верху́ горы́ стоя́й и избилу́яй  
вы́шними добрóтами;

Ра́дуйся, сокрови́щнице, богаты́щая насъ  
духовными́ бисеры́.

Ра́дуйся, сто́лпе, указу́яй пу́ть пра́вый  
хотя́щим обрести́ его́;

Ра́дуйся, свети́ло, на за́паде Росси́и в  
просвѣще́ние на́ше возсия́вшее.

Ра́дуйся, по следа́м всеблаже́ннаго Феодо́сия  
Киево-Пече́рскаго о́бщих жити́й на горе́  
Поча́евстей первонача́льниче;

Ра́дуйся, Йо́ве, пресла́вный уго́днице Бо́жий,  
и оби́тели Поча́евския украше́ние.

### **Конда́к 5**

Боготе́чной зве́зде уподо́бился еси́,  
всеблаже́нне, сия́я де́лы благо́ими и богоуго́дными  
на горе́ Поча́евстей; ихже ра́ди мно́зи во сле́д  
тебе́ напра́вляху стопы́ своя́ от распу́тий  
грехо́вных, о́вии у́бо на ну́жды оби́тели твоея́ от  
име́ний свои́х принося́ще, о́вии же отце́м  
духо́вным во испове́дание грехо́в свои́х  
нарочи́то тебе́ избира́юще, я́ко все́м о тебе́ Бо́гу  
служа́щим и тобо́ю на спасе́ния стези́  
наставля́емым, со дерзнове́нием пе́ти Бо́гу:  
Аллилу́ия.

### **И́кос 5**

Ви́дев тя́ иеросхимона́х Досифе́й, учени́к  
тво́й, уго́днице Бо́жий, дре́вним отце́м в жити́й  
своём послéдующа, начерта́ нам пресла́вная  
дела́ и вели́кия по́двиги тво́й; имже  
удивля́ющесея, сицевы́м венча́ем тя́  
песносло́вием:

Ра́дуйся, я́ко в тѣсней и тѣмней пещѣре горы Поча́евския та́йно от взоровъ челове́ческих многолѣтне свя́то подвижа́лся еси́;

Ра́дуйся, я́ко иногда́ чрезъ три́ дни, овогда́ же чрезъ цѣлую седми́цу еди́н в пещѣре то́й богомы́слия ра́ди затворѣнъ бы́л еси́.

Ра́дуйся, я́ко еди́ною моля́щуся ти́ вну́тръ ея́, облиста́ тя свѣ́тъ неизрече́нный, на до́лзе не престая́ осиява́ющи сопредѣ́льную с пещѣрою це́рковь;

Ра́дуйся, я́ко ничи́мже, то́чию слеза́ми, из глубины́ серде́чныхъ излива́ющимися, во времена́ о́ны пита́выйся.

Ра́дуйся, я́ко необы́чнаго ра́ди изможде́ния плоти́ и до́лгихъ стоя́ний согни́ на нога́хъ тѣло твоѣ́е и да́же от косте́й отпада́ше;

Ра́дуйся, Йо́ве, пресла́вный уго́днице Бо́жий, и оби́тели Поча́евския украше́ние.

### **Конда́к 6**

Пропове́дывати Правосла́вие желая́ во страна́хъ свои́х, всеблаже́нне, яко́же на о́строве Ду́бенстемъ, си́це и на горе́ Поча́евстей, кни́ги божѣ́ственныя в поуче́ние ве́рнымъ подава́л еси́, ещѣ́ же и ти́помъ печата́ти ты́я во своѣ́й

типографіи Почаевстей повелевал еси и купно с ними послания архиерейская и молитвы многоразличныя, во еже всем, чтущим их и по онем молящимся, пети Богу неложно: Аллилуия.

### Икос 6

Воссиял еси, яко заря, не от востока, но от запада Российскаго восходящая, угодниче Божий, егда нужд ради церковных от обдержания унии был еси в богоспасаемом граде Кіеве на соборе святых отец, идеже во святей Кіево-Печерской Лавре, еяже преподобными отцами, от злаго нашествия Батыева спасававшимися, и обитель Почаевская древле основася, клятвенно обещаюся еси купно со иными в вере православней, отечестей крепко и неизменно стояти, николиже и никакоже о отступлении в иноверие не мыслити и к сему всероссийский народ увещавати, да слышиши от всех:

Радуйся, ясное зеркало апостольских преданий;

Радуйся, живоприимный источниче истинных католических правил.

Радуйся, еретических баснословий премудрый истребителю;

Ра́дуйся, глубины́ правосла́вных догма́тов  
иску́сный изме́рителю.

Ра́дуйся, божественный о́ргане,  
возшуми́вший на́м уче́ние спаси́тельное;

Ра́дуйся, Йо́ве, пресла́вный уго́днице Бо́жий,  
и оби́тели Поча́евския украше́ние.

### **Конда́к 7**

Хотя́ Христо́с Госпо́дь и Преблага́я,  
Пречи́стая Ма́терь Его́ явити в тебе́, о́тче,  
несказа́нное смотре́ние Своё о святе́й горе́  
Поча́евстей, дарова́ша ти́ си́лу и премудро́сть  
благопоспéшно подвиза́тися проти́ву зле́йшаго  
врага́ оби́тели твоея́, злове́рнаго боля́рина  
Андре́я; его́же ты́ судом пра́вым иму́щество  
монасты́рское, велéнием его́ погра́бленное,  
возврати́ти пону́дил еси́, и сего́ в примирéние с  
собо́ю и со ино́ками свои́ми привéл еси́, поя́ Бо́гу  
суда́ и пра́вды: Аллилу́ия.

### **И́кос 7**

Но́вое тобо́ю показа́ Госпо́дь оби́тели  
Поча́евстей неизсле́димое промы́шление Своё,  
егда́ желáнию твоему́ послéдуя, имену́тый  
боля́рин Фео́дор и Е́ва, благо́родная жена́ его́,  
иждивéнием своим сооруди́ша верху́ горы́  
Поча́евския це́рковь вели́кую и пресла́вную, яко́

вместитися в ней цельбоносней стопе Божия Матере; идеже и икону Ея чудотворную поставил еси, слышащи от всех:

Радуйся, Троицы Живоначальныя, во Еяже имя новый храм сам освятил еси, избранный поборниче;

Радуйся, Пречистыя Богородицы, ради стопы Ея и иконы Почаевския, преизящный поклонниче.

Радуйся, яко ревнуя о благоустроении обители твоея, своими руками сады на горе Почаевстей насаждал еси;

Радуйся, яко снабжения ради обители и всея веси Почаевския водою самолично пруды у подножия горы Почаевския ископал еси.

Радуйся, все монастырское имущество во бдениих своих, наипаче же нощию, многократне от татей хранимый, и сих тобою уловляемых на путь истинный наставляя;

Радуйся, Йове, преславный угодниче Божий, и обители Почаевския украшение.

### **Кондак 8**

Странно и чудно житие твое, сице и успение твое, преподобне отче, хотящу бо ти

преста́вится от привре́менной жи́зни се́я, толи́кия прозорли́вости сподо́бился еси́ от Го́спода, я́ко де́нь и ча́с отше́ствия твоего́ пре́жде седми́цы проре́кл еси́. Во урече́нный же де́нь и ча́с, по Боже́ственной литурги́и, тобо́ю же са́мым соверше́нной, а́бие кромé вся́кия бо́лезни ми́рно отше́л еси́ ко Го́споду, не преста́я пе́ти Ему́: Аллилу́ия.

### **И́кос 8**

Ве́сь бе́ в страхе наро́д Поча́евский и про́чии окрестни́и лю́дие, ви́дяще све́тлость, от гроба́ твоего́ исхо́дящую чрез се́дмь ле́т по успе́нии твоём, уго́днице Бо́жий; недоумева́ху бо, отку́ду и ко́ея ра́ди вины́ сия́ луча́ исхожда́ше. Тогда́ са́м яви́лся еси́ в со́нном виде́нии митрополи́ту Кие́вскому Диони́сию, известву́я, я́ко хо́щет Бо́г чрез него́ откры́ти святы́я мо́щи твоя́; е́же слы́шав, архиере́й правосла́вный возглаша́ше о тебе́:

Ра́дуйся, де́лателью до́брый, от у́тра до ве́чера столе́тняя жи́зни твоя́ де́лавый благоче́стно в вертогра́де духо́внем;

Ра́дуйся, тяготу́ и ва́р многотру́днаго жити́я твоего́ ра́ди Го́спода охóтно понёсший.

Ра́дуйся, я́ко сего́ ра́ди душа́ твоя́ не оста́вися во а́де, ниже́ плоть твоя́ ви́де ислéния;

Ра́дуйся, бла́гий ра́бе и ве́рный, за безме́рные по́двиги твои́ вше́дый в ра́дость Го́спода своего́.

Ра́дуйся, свети́льниче, о нёмже не восхоте́ Бо́г, да под спúдом пребыва́ет, но да на све́щнице всена́ро́днаго зрéния и покло́нения поста́вится;

Ра́дуйся, Йо́ве, пресла́вный уго́дниче Бо́жий, и оби́тели Поча́евския украше́ние.

### **Конда́к 9**

Вся́кое естество́ земно́е превосходя́щая глаго́лы твоя́ слы́шав Диони́сий, а́ще и слагаше ты́я в се́рдце своем, о́баче, я́ко му́дрый и иску́сный богосло́в, умедли от де́ла того́, дондеже трети́цею яви́лся еси́ ему́, отмщéнием претя́, а́ще бы повелéннаго не испо́лнил вско́ре; уразумéв же от произво́ления Бо́жия бы́ти де́ло сиé, прите́к а́бие со все́м кли́ром на го́ру Поча́евскую и испы́тавши извё́стно о богоуго́дном житии́ твоём, повеле́ откры́ти гроб, в нёмже обре́те честны́я мо́щи твоя́ кроме́ вся́каго тлéния, благоуха́ния несказа́ннаго испо́лненны; и та́ко внесе́ ты́я в це́рковь Живонача́льныя Тро́ицы, ублажа́юще тя́ и пою́ще Бо́гу: Аллилу́ия.

## И́кос 9

Витийство всякое не может изрещи́ величества пресла́вных зна́мений и чудес твои́х, я́же нача́л еси́ явля́ти по откры́тии моще́й твои́х, всеблаже́нне о́тче: мно́зи бо от наро́да, различны́ми неду́ги одержи́мии, прите́кши к многоцеле́бней ра́це твоёй, исцеле́ние прия́ша. Я́коже бо в животе́ твоём вся́кия добродётели и благосты́ни испо́лнен бы́л еси́, си́це и по сме́рти добро́ творити не престаёши всём, с ве́рою призыва́ющим тя́ и вопи́ющим о Бо́зе сицевая́:

Ра́дуйся, зерно́ пшени́чное, по апо́стольскому глаго́лу из земна́го тле́ния произра́стшее, да мно́г пло́д духо́вный тре́бующим принесёши;

Ра́дуйся, дре́во, насажде́нное при исто́чнице цельбоно́сных воды́ от стопы́ Бо́жия Ма́тере, да вси́ жа́ждущии от тебе́ пити́е жи́зни почерпа́ют.

Ра́дуйся, пра́ведниче, по сло́ву псаломскому́, я́ко фи́никс процветы́й от горы́ Поча́евския, да а́лчущих пра́вды и вся́кия благосты́ни и́стинно и благона́вием напитаети́;

Ра́дуйся, у́зы разруше́ния пер́стнаго в нетле́нии своём благода́тию Бо́жиею расто́ргнувший, да от вся́ких губи́тельных неду́гов стра́ждущим врачевство́ и исцеле́ние подаёши.

Ра́дуйся, в ми́ре Желе́зом рече́нный,  
несокруши́мую кре́пость и си́лу немощны́м  
душе́ю и те́лом свы́ше принося́й;

Ра́дуйся, Йо́ве, пресла́вный уго́днице Бо́жий,  
и оби́тели Поча́евския украше́ние.

### **Конда́к 10**

Спасти́ хотя́ ученика́ твоего́ Досифе́я от  
обдержа́щаго его́ смертоно́снаго недуга́, о́тче  
преподобне, а́нгелы во твоё общёние призва́л  
еси́, с ними́же и ви́ден бы́л еси́ во све́тлости  
необы́чной, предстоя́ Бо́жией Ма́тери, но́щию в  
це́ркви Пресвяты́я Трои́цы, пла́т, ми́ром  
целёбным чуде́сно напоённы́й, боля́щему  
посыла́я, да отрёт им те́ло своё, и а́бие грядёт в  
це́рковь на всено́щное бде́ние прилучи́вшагося  
ра́ди вели́каго пра́здника всеми́рнаго  
Воздви́жения Креста́ Господня́, поя́ Бо́гу, си́лою  
крёстною укрепля́ющему святы́х Свои́х на  
по́мощь ве́рным: Аллилу́ия.

### **И́кос 10**

Стена́ еси́ и огражде́ние от враго́в ви́димых и  
неви́димых досто́янию твоему́, в нёмже, о́тче,  
жи́тельствовал еси́ и ны́не пребыва́еши в  
нетле́нном телеси́ твоём. Сего́ ра́ди егда́  
нечестивии исма́илиты обыдо́ша го́ру

Почаевскую во время брани Збаражской, а́бие яви́лся еси́ верху́ ея́ на о́блацех небесных, в свѣтлости необы́чной предста́тельствующи пред Свято́ю Дѣвою Богородицею, да не преда́ст в нево́лю супоста́том оби́тели, иде́же бы́л еси́ игу́меном; е́же ви́девше ино́цы и лю́дие, во оби́тели обложѣннии, припа́дающе к ра́це честныхъ мо́щей твои́х, вопия́ху тебѣ:

Ра́дуйся, со а́нгельскими си́лами предста́й Цари́це Небесной протѣ́ву полко́м неверных ага́рян;

Ра́дуйся, ихже стрела́ми, на главы́ их возвраща́ющимися, я́ко мо́лниею их порази́вый.

Ра́дуйся, я́ко сего́ ради́ врази́ Креста́ Христо́ва спѣ́шне отбего́ша от оби́тели Почаевския, дру́г дру́га во у́жасе поража́юще;

Ра́дуйся, я́ко мно́зи от нихъ стра́хом Бо́жиим наставля́еми, христиа́нскую ве́ру приѣ́мше, на послуша́нии монасты́рstem в Почаеве да́же до кончи́ны своея́ пребы́ша.

Ра́дуйся, я́ко предста́тельством твои́м к Богороди́це вся́ благая́ ве́рным во изба́влении их приидо́ша;

Ра́дуйся, Йо́ве, пресла́вный уго́днице Бо́жий, и оби́тели Почаевския украше́ние.

## Кондак 11

Пѣние всякое не довлѣет к прославленію пренебѣснаго величества твоего и власти, яже от Господа, всеблаженне отче; яко не точию православным, но и латиноунитом, егда попущеніем Божиим во власти их бяше гора Почаевская, неисчетныя дары и благодеяния ниспосылал еси, овых убо от духов нечистых, овых от болезней и смертоносных ран исцеляючи, овых же поучаючи судом тяжким и виденіями многообразными, да чтут тя, яко истиннаго слугу Божия; еже сии и начаша творити, донележе честныя мочи твоя, купно со обителію Почаевскою, не бяху паки возвращени в одержание православным, с пѣснию о тебе Богу благодарственною: Аллилуія.

## Икос 11

Яко светоприимная свеща, елеем благодати возженная, яко свѣточ многосвѣтлый, на высотѣ стояй, светоподательне сияеши всем концем земли, отче наш Йове; сего ради и восток тя ублажает, и север величает, и юг восхваляет, и запад по премногу прославляет. Мы же во свете лица твоего текуще к свету невечернему и к

ра́зуму божѣственному наставляеми, вопиѣм ти от полноты́ сердечныя:

Ра́дуйся, превѣчнаго Архиере́я Христа́ вѣрный служителю, за благоче́стие свое́ архиерейскими рука́ма из спуда земна́го изъя́тый и откры́тый для всена́роднаго почита́ния;

Ра́дуйся, Царя́ Небе́снаго и Влады́ки непобедимый ратоборче, благочестивых же Царей наших споборниче и утвержде́ние.

Ра́дуйся, моли́твенниче и сопредстоя́телю Пресвяты́я Богороди́цы непреста́нный, купно с ико́ною Ея́ честною и стопо́ю цельбоно́сною от все́х, на го́ру Поча́евскую притека́ющих, почита́емый;

Ра́дуйся, а́нгелов Бо́жих и святы́х на небеси́ купножителю преизрядный, во хра́ме, честному́ имени́ твоему́ посвяще́нном на землі́, от приходя́щих к тебе́ ублажа́емый.

Ра́дуйся, сто́лпе ве́ры, про́мыслом Бо́жим на крайнем запа́де Росси́йскаго земли́ водруже́нный, да все́м от ве́ры и праоте́ческаго благоче́стия заблудшим сыновомъ запа́да инозе́мнаго пу́ть до́брый к и́стинному правове́рию, е́же в Це́ркви на́шей Правосла́вней, показу́еши;

Ра́дуйся, Йо́ве, пресла́вный уго́днице Бо́жий,  
и оби́тели Поча́евския украше́ние.

### **Конда́к 12**

Благода́тию, да́нною ти́ свы́ше, чудеде́йствуя  
на горе́ Поча́евстей, преподо́бне, не оставя́еши  
ны́ и во вре́мя си́е; но я́коже дре́вле, си́це и до  
дне́шняго дне́, не то́чию притека́ющи к ра́це  
многоцеле́бных мо́щей твои́х, но и вси́ отдале́че  
тебе́ призы́вающи и на тя́ упова́ющи слепи́и  
презира́ют, хроми́и хо́дят, разсла́бленни  
возста́ют, бесну́ющися исцеля́ются,  
стра́ждущи утеша́ются, угрожа́емии злы́м  
пове́трием от смертоно́сных я́звы изба́вляются,  
земли́ плодоноси́е пода́ется, гра́ды и до́мы от  
тру́са, пото́па и огня́ спаса́ются, во е́же все́м от  
тебе́ вспомо́ществу́емым, и тако́ тобо́ю  
хва́лящимся, пе́ти Бо́гу в ра́довании се́рдца  
своего́: Аллилу́ия.

### **И́кос 12**

Пою́ще пресла́вное о тебе́ смотре́ние Бо́жие и  
чудеса́ твоя́, преподо́бне о́тче, мо́лим тя́  
всеусе́рдно, раби́ твои́, не забу́ди нас и во вся́  
дни́ живота́ на́шего, но всегда́ пребы́вай с на́ми,  
да твои́м заступле́нием и по́мощию огражда́емии,

спаса́еми и изба́вляеми от все́х зѡл ви́димых и неви́димых, вопи́ем ти́:

Ра́дуйся, ми́лости превели́кия сокрови́ще;

Ра́дуйся, Божѣственна́го проявля́ния о лю́дех приятели́ще.

Ра́дуйся, ненаде́жных наде́яние;

Ра́дуйся, са́мых отча́янных спасѣ́ние.

Ра́дуйся, е́гоже благопоспѣ́шными моли́твами от ве́чныя сме́рти свобо́ждае́мся и безконѣ́чныя жи́зни сподо́бляе́мся;

Ра́дуйся, Йо́ве, пресла́вный уго́дникъ Бо́жий, и оби́тели Поча́евския украше́ние.

### **Конда́к 13**

О, прехва́льный и пречу́дный о́тче Йо́ве! Приими́ ны́не си́е ма́лое моле́ние на́ше, тебе́ от любве́ серде́чныя приноси́мое, и твои́м богоприя́тным ходата́йством испо́лни во благи́х вся́ проше́ния на́ша, к тебе́ бо в ну́ждах прибега́ем и на тебе́ по Бо́зе и Богоро́дице все́ упова́ние на́ше возлага́ем, прославля́ющи тя, и тобо́ю прославля́емому Подате́лю все́х бла́г, Влады́це жи́зни и сме́рти, поя́ усер́дно: Аллилу́ия.

Этот конда́к чита́ется трижды, затем и́кос и конда́к.

### Моли́тва 1

О, всесвяты́й и пресла́вный угодниче Бо́жий, преподо́бне о́тче на́ш Йо́ве, при́сный о на́с ко Го́споду моли́твенниче и те́плый предста́телю о душа́х на́ших! К тебе́ всеумиле́нно ны́не притека́ем, и, помина́юще по́двиги и чуде́са твоя́, яже сотвори́л еси́ и твори́ши на землѣ, про́сим и мо́лим твою́ благосты́ню: якоже твёрдо и неизме́нно потруди́лся еси́ в ве́ре Христа́ Бо́га на́шего, и сию́ до конца́ в себѣ и во все́х при́сных твои́х це́лу и невреди́му сохрани́вый от вся́ких прираже́ний вра́жиих и ересей тлетво́рных, си́це и на́с в Правосла́вии и единомы́слии укрепѣ́, отгоня́ющи моли́твами твои́ми вся́кую тму́ неве́рия и неправомы́слия от серде́ц и помышле́ний на́ших; послужи́вый Го́споду и Бо́гу твоему́ де́лы благо́ими и неизрече́нным самоотверже́нием в труде́х, бде́ниях и поще́ниях, наста́ви на́с на пу́ть вся́кия добродете́ли и благосты́ни, избавля́ющи от искуше́ний и грехо́в, удаля́ющих на́с от Бо́га и поверга́ющих в бе́здну зла́ все́ жити́е на́ше; яви́выйся иногда́ с Пречи́стою Де́вою Богоро́дицею верху́ горы́ Поча́евския во

спасѣние обители твоея от нашествия и обложѣния агарянскаго, и ныне ускори на помощь Благочестивейшему Государю нашему Императору [имярек] и всему православному и боголюбивому Царству нашему противу всех врагов наших внешних и внутренних, утверждая мир и тишину в земли нашей, да твоими молитвами и предстательством, тихое и безмолвное житие проживем во всяком благочестии и чистоте; и всем, к тебе притекающим и припадающим к раце честных и многоцелѣбных мощей твоих и твоея помощи и заступления требующим, неоскудныя милости незавѣстно подавая, не остави и нас сирых и беспомощных, тебе молящихся, избавляющи от всякия скорби, гнева и нужды, от глѣда, губительства, труса, потопа, огня, меча, нашествия иноплемѣнник и междоусобныя брани. Ей, угодниче Божий, призри милостивно от престола Царя славы, Емуже ты ныне предстоиши со архангелы и ангелы и со всеми святыми, на обитель твою (сию) Почаевскую, еюже ты древле мудро правил еси, наздав ю всехвальным и дивным житием твоим, и сохрани ю молитвами твоими, и всякий град и страну, и всех отовсюду, на мори и на суши, в



благими, яко многоцѣннымъ бисеромъ, благоукрашенно и благодушнымъ терпениемъ чрезъ многа лета скорбей и болезней, паче злата и сребра, в горниле искушенныхъ, просиявши. Еще бо сущи дванадесяти точию летъ, восприял еси на ся иго Христово с великимъ образомъ монашескимъ и даже до старости и престарения вѣще девяносто летъ, благодушно и неослабно, непоползновенно и неблаженно понесл еси, прошедъ всякъ путь правды и святѣни в постѣ и молитвѣ, в колѣнопреклоненіихъ и бденіихъ и тако на высотѣ добродѣтелей изрядну, вспомошествуемъ благодатию Божіею, по степенемъ возшелъ еси, яко всемъ дивитися и ублажати тя за премногую добродѣтель и любомудріе твоѣ, не точию в предѣлахъ отечества твоего, но и в странахъ окрестъ сущихъ, о чемъ слышавъ боголюбивый князь Острожскій и вельми возжелавъ имѣти тя руководителя себе на пути спасенія и Крестовоздвиженской обители своей, яже на островѣ Дубенстемъ, предстоятеля и наставника молѣниемъ любви своея привлече тя, отонудуже и святѣй обители Почаевской, яко сокровище велие и нецененное, даровался еси. Темже и праведный Судія и мздовоздатель Богъ, Иже вѣсть сущія

Своя, прѣжде да́же не бы́ти и́м, обеща́вый ве́рным рабо́м Свои́м за трудо́ и по́двиги и́х во сла́ву Его́ имени возда́ти стори́цею, свы́ше призре́ на смире́ние твоё и вознесе́ тя, и просла́ви тя на земли́ живы́х, дарова́в духоно́сному телеси́ твоему́ да́р нетле́ния и благода́ть врачева́ния неду́гов душе́вных и телесных, для́ все́х, с ве́рою и любóвию ко всечестнѣй ра́це твоей притека́ющих, а моли́тве твоей си́лу и кре́пость непобеди́мую, враго́в ви́димых и неви́димых устраша́ющую и поража́ющую. Егда́ бо инопле́мenniцы о́ны исмаелитстии, ихже Госпо́дь Бо́г ещё́ в праотце́ их от ро́да и до́му Авраа́мля отрину́, врази́ Креста́ Христо́ва, облего́ша го́ру и оби́тель Поча́евскую, хотя́ще ю́ до конца́ разорити, тогда́ ты́, о́тче прехва́льне, был еси́ ходата́й святы́ми твои́ми моли́твами ко всемогúщему и всеблагóму Бо́гу и к Преблагословенней Дѣве́ Марии Богоро́дице, и бла́гостию, тебе́ от Бо́га данною, и предста́тельством Пресвяты́я Богоро́дицы отгна́л еси́ все́ безумие супоста́тов тѣх и, всю́ ярость и́х разруши́в и кре́пость победи́в, сотвори́л еси́ и́х бежати со страхом и трѣпетом. Призри́ убо и ны́не о́ком благоутрóбия твоего́, приле́жно мо́лим тя́, обсто́яще святы́я и многоцеле́бныя

мо́щи твоя́ и усер́дно лобыза́юще я́, при́зри на нас, недостойных ча́д и рабо́в твои́х, вступи́вших в стези́ твои́, но немо́гущих пра́во по ни́м шествова́ти, и на ме́сто си́е, от ле́т дрéвних богоизбра́нное и чуде́сы просла́вленное, в нёмже и́мя твоё́ призыва́ется и его́же ты́ по́ты трудо́в твои́х богоуго́дных ороси́л и возде́лал еси́, и огради́ его́ и нас моли́твами твои́ми от вся́каго наве́та вра́жия и зла́го обстоя́ния, сохра́няя и соблюда́я все́х и ка́ждаго в ми́ре и ти́шинé, в ве́ре нелицеме́рней и богоуго́дном жи́тельстве. Пода́ждь же, уго́днице Бо́жий, и все́м, приходи́ющим се́мо и твоея́ по́мощи и заступле́ния и́щущим, бла́гость и ми́лость от Христа́ Бо́га на́шего и Пречи́стыя Его́ Ма́тере, да никто́же изы́дет отсю́ду в туге́ и ско́рби, в печа́ли и се́товании, посты́ждён и посра́млен в наде́янии своём, но кий́ждо, по ме́ре ве́ры и любве́ своея́, да воспри́имет себе́ поне́ некую́ отра́ду и утеше́ние, обле́гчение́ и подкреплéние, за́щиту́ и по́моць, во сла́ву Бо́га Трисвята́го, Ему́же подоба́ет вся́кая сла́ва, че́сть и поклонéние Отцу́ и Сы́ну и Свято́му Ду́ху, ны́не и при́сно, и во ве́ки веко́в. Ами́нь.